

2023-2024 оқу жылындағы тәрбие жұмысының талдауы

2023 – 2024 оқу жылынында тәрбие жұмысын ұйымдастыруда «Біртұтас тәрбие бағдарламасы» жүзеге асырылды.

Максаты: жалпыадамзаттық және ұлттық құндылықтарды бойына сіңірген еңбекқор, адал, саналы, жасампаз азаматты тәрбиелеу.

Ұлттық құндылықтар: ҰЛТТЫҚ МҮДДЕ, АР-ҰЯТ, ТАЛАП.

Ұлттық мүдде құндылығы:

Қазақстан мемлекеттілігін нығайтуға атсалысу;

Қазақстанның оңтайлы имиджін қалыптастыруға белсенді үлес қосу;

Ұлттық мұраға ұқыпты қарау;

Қазақ тілінің қолдану аясын кеңейту;

Қазақстан мүддесіне қызмет етуге ұмтылу;

Қоғам игілігі үшін қызмет ету;

Қазақстанның қауіпсіздігін қамтамасыз етуге дайын болу;

Ұлттық мәдениетті дәріптеу;

Күтілетін нәтижесі:

Отаншыл, мемлекетшіл жәнснамысшыл

Мемлекеттік рәміздерді қадырлейді

Елінің тарихын құрметтейді

Ұлттық мирасты, мәдениетті дәріптейді - Құқықтық және экологиялық мәдениеті жоғары

Ар-ұят құндылығы:

Академиялық адалдыққа ғидатын қолдау;

Адал еңбекті құрметтеу;

Сөзіне берік, ісіне адал болу;

Халқына адал қызмет ету

Әдеп нормаларын ұстану;

Шешім қабылдай білу және жауапкершілікті сезіну;

Достарына, сыныптастарына, отбасы мүшелеріне қамқор болу, мейірімділік таныту; - Өзін отбасының, сыныптың, мектептің, қоғамның, Отанның бір мүшесі екенін сезіну.

Күтілетін нәтижесі:

Ар-ұят, адалдықты жоғары бағалайды;

Сөзіне берік, ісіне жауапкершілік танытады;

Ата-анасына сүйіспеншілікпен қарайды; - Достарын, сыныптастарын сыйлайды; -

Кішіге ізет, үлкенге құрмет көрсетеді.

Талап құндылығы:

Сыни және креативті ойлау;

Жеке және командамен жұмыс істей білу;

Білуге, жаңаны тануға құштар болу;

Физикалық белсенді болу;

Салауатты өмір салтын ұстану;

Технологиялық және цифрлық дағдыларды илгерілету;

Дұрыс қарым-қатынас орнату білу;

Уақыт пен қаржыны тиімді жоспарлау.

Күтілетін нәтижесі:

Жан мен тән тазалығын сақтайды;

Дұрыс тамақтану мәдениетін түсінеді;

Қоршаған орта тазалығын сақтайды;

Ақпараттық, медиа және қаржылық сауаттылық; - Ізденімпаз, жасампаз тұлға.

«Біртұтас тәрбие бағдарламасы» аясында бірнеше жобалар жүзеге асырылды:

1. «Жеткіншектің жеті жарғысы»

2. «Төрт тоқсанға - төрт өнер»

3. «Оқуға құштар мектеп»

4. «Еңбегі адал жас өрен»

5. «9 айға – 9 іс шара»

6. «Ата-аналар мектебі»

7. «Ұшқыр ой алаңы»

8. «Ұлттық мектеп лигасы»

9. «Ғаламтордағы қауіпсіздік»

10. «Баларлар және театр»

Кадр құрамына талдау

№	Тәрбие бөлімі	қызметі
1	Қалапбергенова Бибінұр	ДТІЖО
2	Шамова Ақмарал	ДТІЖО
3	Жұмағазы Жаңылсын	Педагог-ұйымдастырушы
4	Біртай Мақпал	Педагог-ұйымдастырушы
5	Қалмағанбетова Ләззат	Аға тәлімгер
6	Сапарова Ақбота	Қосымша білім беру педагогі
7	Әуезханов Елшат	Қосымша білім беру педагогі
8	Қазбағамбетова Гүлнар	Қосымша білім беру педагогі
9	Тогтамысова Марал	Қосымша білім беру педагогі
10	Жасқали Нұржайна	Педагог-психолог
11	Кенжалина Еркеназ	Педагог-психолог
12	Мәндібаева Аққойсын	Педагог-социолог
13	Нұрбаева Эльвира	Педагог-социолог
14	Кульмуратова Бибігүл	Кітапхана меңгерушісі
15	Құрмашева Бибігүл	Кітапханашы

Сынып жетекшілердің сапалық құрамы

Оқу жылдары	Сынып жетекшілер	Жоғары білімді	Арнаулы орта
-------------	------------------	----------------	--------------

2021-2022 оқу жылы	45	42	3
2022-2023 оқу жылы	42	40	2
2023-2024 оқу жылы	42	40	2

Сынып жетекшілердің біліктілік санаты

Оқу жылдары	Педагог	Педагог-модератор	Педагог-сарапшы	Педагог-зерттеуші	Педагог-шебер
2021-2022 оқу жылы	4	14	14	12	1
2022-2023 оқу жылы	-	13	17	11	1
2023-2024 оқу жылы	2	12	12	12	-

Мектептегі спорттық секциялар мен үйірмелер бойынша:

2023-2024 оқу жылдары білім алушыларға рухани – адамгершілік, көркем-эстетикалық бағытта тәрбие беру, жеке тұлғалық қабілеттерін дамыту мақсатында қоғамдық-саяси сауатын күшейту бағытында мектепте спорттық, көркемдік-эстетикалық,дебаттық үйірмелер жүргізілді. Сабақтан тыс өткізілетін үйірмелер кестесі жасалған, мектеп директорымен бекітілді.

Оқу жылдары	Мектепшіл күйірме, секцияларға қатысатын оқушылар саны	%	Мектептен тыс үйірме секцияларға оқушылар саны	%	Барлық (мектепте, мектептен тыс) үйірмелерге қатысатын оқушылар саны	%
2021-2022	292	28%	237	23%	529	51%
2022-2023	551	55%	245	24%	796	81%
2023-2024	801	79%	150	24%	951	94%

Үйірмелер мен спорттық секциялар	Бала саны
«Арын еріктілері»еріктілер клубы	35
«Сырғалым»қыздар клубы	46
«Креатив»қолөнер клубы	26
«Ділмар»дебат клубы	35
Қалалық шығармашылық үйінің	11

жанынан ашылған «Шешендік өнер»	
«Зерек»дарынды балаларға арналған клуб	40
«Сапа»мобилографтар клубы	15
Би	84
«Жас сарбаз»клубы	45
Футбол	83
Шаңғы	17
Бес асық	78
Волейбол	147
Тоғызқұмалақ	86
Үстел теннисі	12
Баскетбол	16
Туризм	15
Волейбол	147
Таэквандо	24
Футбол	83

2023-2024 оқу жылдары бойынша жасөспірімдер арасындағы құқықбұзушылықтың алдын алуға байланысты мектепшілік тәртіп сақшылар тобы құрылды.

Есепке алу түрлері	2021-2022	2022-2023	2023-2024
	Есепке алынды	Есепке алынды	Есепке алынды
Мектепшілік бақылау	9	8	5
ІІБ есепте	1	2	3
Нарколог есебінде	-	-	-
“Қауіпті топ”	-	-	-
Сәтсіз отбасы	1	1	1
Дін жолында жүрген	1	1	2
Суицид фактілері	-	-	-

Тәрбие жоспарына сәйкес өткізілген мерекелік іс-шаралар:

Ұлттық мүдде (Отан) құндылығы бойынша: 1 қыркүйек – Білім күні «Мектебім – мейірім мекені» тақырыбында салтанатты жиын, 5 қыркүйек – Қазақстан халықтарының тілдері күні және А.Байтұрсынұлының туған күніне арналған «Ұлттық рухтың ұлы тіні» атты онкүндігі аясында лингвистикалық сайыс, «А.Байтұрсынұлы-қазақ халқының рухани көсемі» тақырыбында аналар мектебінің қатысуымен сахналық қойылым, «А.Байтұрсынұлы – әліпбидің алтын белдеуі» тақырыбында сынып сағаттары, «Тілім-өмір тірегі» атты мәнерлеп оқу сайысы ұйымдастырылды. «Мектеп парламенті» өзін-өзі басқару ұйымының президентін сайлау өткізілді.

Талап құндылығы бойынша: «Жолда жүру ережесін сақтайық!» атты патрульдік полиция қызметкерлерінің қатысуымен сынып сағаттары, «Мектептегі өрт қауіпсіздігі ережелері және өрт дабылы кезіндегі іс-әрекеттер мен эвакуация» тақырыбында практикалық сабақтар, «9 айға 9 іс шара» жобасы аясында «Дене сергіту» челленджі өткізілді.

Ар-ұят құндылығы бойынша: «Ата-аналар мектебі» жобасы аясында «Отбасым менің тірегім» атты эстафеталық жарыс, «Отбасым-бақыт мекенім» атты сынып сағаттары, «Менің бақытты отбасым» фотокөрмесі, «Отбасылық дәстүрлер» тақырыбында «Интернет қауіпсіздігі жобасы» аясында ата-аналар жиналысы, зорлық-зомбылық пен қылмыстың алдын алу мақсатында «Сырғалым» қыз балалар клубының ұйымдастыруымен «Қыз тәрбиесі-халық байлығы» тақырыбында кездесу, «Мемлекеттік қызмет-елдің мүддесіне адал еңбек» атты эссе жазу байқауы ұйымдастырылды.

1-қыркүйек – Білім күніне орай «Мектебім-мейірім мекені» салтанатты жиыны өткізілді.



5-қыркүйек –Қазақстан халықтарының тілдері күніне және А.Байтұрсынұлының туған күніне орай мектеп кітапханасында онкүндік аясында «Адамзаттың шаруасы» тақырыбында поэзиялық минут өтті. «Ұлттық рухтың ұлы тілі» іс-шарасы. Поэзия минутының мақсаты: Көрнекті қайраткер Алаша, халық ұстазы, әдебиеттанушы, аудармашы, ақын, тіл жанашыры А.Байтұрсынұлының асыл мұрасын



ұлықтап, өскелең ұрпаққа ұлттық тәрбие беру болатын.



«Ұлттық рухтың ұлы тілі» онкүндігі аясында «Тіл-тілдің кілті» атты лингвистикалық байқау өтті. Мақсаты: оқушылардың қазақ тілі, орыс тілі, ағылшын тілі пәндеріне деген қызығушылығын арттыру, батылдығын шындау; Жылдамдықты жаттықтыру кезінде сөйлесу сөзін, мәдениетін, ойлауын дамыту.



Сонымен қатар «Тілім – өмір тірегі» атты мектепішілік байқау өтті. Мақсаты: Оқушылардың екпінді дұрыс қоя білуін, оқу мәнерін меңгеруін, өлеңді өлең мазмұнына сәйкес баяу және жігерлі оқуын немесе тілек, сұрақты, көңіл-күйді көтеріңкі дауыспен оқуын байқау және бағалау. Оқушылардың өлеңді мәнерлеп оқу қабілеттерін дамыту.



20- қыркүйек «Зорлық-зомбылық пен қылмыстың алдын алу» мақсатында «Геолог» мәдени орталығының жанынан «Шолпы» қыздар клубы құрылып, қыздар арасында ұйымдастырылып, «Қыз тәрбиесі – халық байлығы» тақырыбында кездесу өтті. .» Жиын барысында қыз бала тәрбиесін ұрпақ тәрбиесі деп санап,



бүгінгі қазақ қыздары ертеңгі адал жар, болашақ ұрпақтың аналары екенін ұғыну керектігі айтылды. Қонақтар, шараға қатысушы оқушылар, мектеп психологтары А.Б.Құрмашева мен Н.Қ. өз ойларын ортаға салып, пікір алмасты. Жастарға тренинг өткізіліп, студенттерге қызықты сұрақтар мен ұпайлар қойылды. Кездесуге қатысқан қонақтар: Сарыбай Алмагүл Сүндетқызы, Ақтөбе облыстық тарихи-өлкетану музейінің қоғаммен байланыс және экскурсиялық қызмет көрсету бөлімінің меңгерушісі, идея авторы және «Шолпы» клубының жетекшісі; «Шолпы» қыздарға арналған балалар клубының жетекшісі – Ақжігітова Бибігүл Жақсыбекқызы; Алматы облысы №4 қалалық полиция басқармасының кәмелетке толмағандар істері жөніндегі полиция инспекторы, полиция лейтенанты Құрықшы Аружан Бауыржанқызы. Сонымен қатар «Құқық бұзушылықтың алдын алу» мақсатында Мектеп инспекторы аға лейтенант А.М.Адаев 10-11 сынып оқушыларына «Зиянды пайдалану және зиян» тақырыбында түсіндірме жұмыстары жүргізілді

28-қыркүйекте мектепшілік ата-аналар комитетінің отырысы өтті. Кездесуге қатысқан қонақтар: - лейтенант Қалдыбаев Асхат Темірбайұлы, Ақтөбе қалалық ТЖМ азаматтық қорғау отрядының офицері; Болатула қаласының азаматтық қорғау капитаны Ысқаков Ернұр. -Лейтенант Құрықшы Аружан Бауыржанқызы, Алматы облысы ТЖД №4 ТЖД кәмелетке толмағандар ісі жөніндегі учаскелік полиция аға инспекторы.



Ата-аналар комитетін, аналар мүшелерін сайлау мақсатында ата-аналар жиналыстары болып өтті





ҚР Оқу-ағарту министрлігінің тапсырмасына сәйкес ағымдағы жылдың 25-29 қыркүйек күндері мектептерде оқу-жаттығулар мен сабақтар өткізу туралы хаты негізінде және Тіршілік қауіпсіздігі негіздері шеңберінде Ақтөбе облысы Төтенше жағдайлар департаменті мен облыстың білім беру мекемелерінде өткізілетін сабақ кестесіне сәйкес оқушылар және мектеп мұғалімдеріне «Мектептегі өрт қауіпсіздігі ережелері және өрт дабылы кезіндегі іс-әрекеттер мен эвакуация» тақырыбында сабақ жүргізіліп, практика жүзінде көрсетілді



Қазан айы – Алаш азаматтарын ұлықтау айы.

«Еңбегі адал жас өрен» жобасы аясында «Атам айтқан нақыл сөз» еріктілердің қарт кісілерге көмек көрсетуі, қарттар күніне орай «Үлкендер жолы ұлылық, ұрпағы жүрер ұғынып» атты ардагер ұстаздармен кездесу, бастауыш сыныптарға арналған «SABANTOY fest» күзгі фестивалі, жоғары сынып оқушыларына «Күзгі ретро бал» сайысы ұйымдастырылып, Қазақстанның оңтайлы имиджін қалыптастыру, қоғам игілігі үшін қызмет ету, білуге, жаңаны тануға құштар болу құндылықтары менгерілді.

«Жеткіншектің жеті жарғысы» жобасы аясында «Діни сауаттылық-адаспаудың айғағы» тақырыбында мамандармен кездесу, «Ата-аналар мектебі» жобасы аясында «Балалықтан даналыққа» атты дөңгелек үстел ұйымдастырылды. «Таңғы шұғыла», «Дублер» күнін ұйымдастыру, «Ұстаз-мектептің жүрегі» атты мерекелік кеш, Республика күніне арналған «Менің елім-Қазақстан» кітап көрмесі, спорттық шаралар, «Табиғатты аяла, сәнін оның бағала» сурет байқауы, «9 айға 9 іс-шара» жобасы аясында Гимн айту челленджі, «Төрт тоқсан төрт өнер» жобасы аясында «Ақындар айтысы» айтыс ақынымен кездесу ұйымдастырылып, «Ар-ұят, Талап, Ұлттық мүдде» құндылықтарын меңгерту мақсатында жұмыстар атқарылды.

Қазан айының 2-сі күні “Арын еріктілері” еріктілер клубы, қарттар күніне орай 82 жастағы жалғыз басты Тамара әжейді қарттар күнімен құттықтап қайтты.



5-қазан Ұстаздар күніне орай оқушыларды қарсы алу Таңғы шұғыла сәті.



5-қазан күні "Ұстаз-мектептің жүрегі" атты мерекелік концерт өткізілді.



Ұстаздар күніне орай мектеп мұғалімдері арасында эстафеталық жарыс өтті.



«Мектеп парламенті» өзін-өзі басқару ұйымының атқарған жұмыстары:

2023 жылдың 26 қыркүйек күні М.Арын атындағы Қарғалы қазақ орта мектебінде оқушылардың өзін-өзі басқару негізінде «Мектеп Парламенті» сайлауы өтті. Сайлау еркін және құпия түрде жүргізілді. Барлық оқушыларға түсіндіру жұмыстары жүргізіліп, сайлаудың өту барысы инстаграм желісіне хабарланып жарияланды. Сайлауға 9-10 сынып оқушылары қатысуға ниет білдірді.



Сайлау нәтижесі бойынша ең көп 66 % дауыспенен 10 «ә» сынып оқушысы Әбдібек Ақнұр мектеп президенті болып, ал қалған кандидаттар мектеп парламенті президентінің мүшелері болып тағайындалды.

Мектебімізде «Мұғалімдер күні» мерекесіне орай, мектептегі өзін-өзі басқару жұмысын жандандыру, тұлғаның көшбасшылық қасиеттерін ашу және білім алушылардың қаблеттерін іске асыру мақсатында «ДУБЛЕР КҮНІ» өтті.

Арнайы іс-шараға 9,10,11-класстардың белсенді оқушылары ат салысып, өз алған білімдерін практикалық тұрғыда жүзеге асырды

Мектепте ерекше атмосфера орнады, оқушылар бейджик пен ерекше галстук тағып, осы күнді қызықты да, мазмұнды жетіп көрсетуге тырысты. Бұл күн дублерларға дербестік, жауапкершілік, тапсырылған іске адал және шығармашылық көзқарас сияқты қасиеттерді дамытуға мүмкіндік берді. Сабақтарды жүргізудің маңызды екендігін сезіне алады. Осы күні мектеп директоры – Әбдібек Ақнұр (10"ә" сынып) және директорының орынбасарларының орнына фракция жетекшілері болды.



26-қазан күні "Алтын күз" мерекесіне орай бастауыш сыныптар арасында "SABANTOY fest" фестивалі ұйымдастырылды. Оқушылар жеміс-жидектерден тігілген костюмдерін киіп, өнерлерін ортаға салды. Нәтижесінде Бас жүлдені 3"Б" сыныбы "Асқабақтар" тобы иеленді.



Сонымен қатар, мектепішілік "Күзгі ретро бал" сайысы 5-7 сынып оқушылары арасында өткізілді. Байқау шарты бойынша қатысушылар сахнада өздерін таныстырып, одан кейін күзгі дақылдардан қолөнер, экибаналарына жарнама жасай отырып, көпшілікке көрсетті. "Бас жүлдені" иеленген 7 «ә» сынып оқушылары Мамажонов Исламбек пен Марат Назерке иеленді.



20- қазан Республика күні мерекесі қарсаңында «Қыран слім - Қазақстан!» атты патриоттық акциясы аясында Мемлекеттік Әнұранды орындау шарасы ұйымдастырылды.



"Ақ орамал" аналар мектебінің "Балалықтан даналыққа" тақырыбындағы кездесуі өткізілді. Бас қосу барысында, жаңа форматта кешкі дастархан басындағы мамыражай күйде отбасылық құндылықтарды сөз етті. Қазақ руханиятын



нас
их
атт
ап
жү

рген мамандар қонаққа келді. Сонымен қатар, жаңа оқу жылындағы атқарылатын жұмыстарға тоқталды.

Қараша айы – Поэзия айы.

Өзін отбасының, сыныптың, қоғамның, Отанның бір мүшесі екенін сезіну, ұлттық мәдениетті дәріптеу құндылықтарын насихаттау мақсатында «Әке-асқар тау, ана-бұлақ, бала-жағасындағы құрақ» тақырыбында тәрбие сағаттары, адал еңбекті құрметтеу мақсатында «Адалдық дүкені: адалдыққа баулу, санаға сәуле» «Адалдық» дүкендерінде адал сауда жасай білу өркениеттілігі туралы іс-шара, «Ұлттық мектеп лигасы» жобасы аясында ұлттық ойын тоғызқұмалақтан сайыстар, «Тоғызқұмалақты оңай үйрену жолдары» тақырыбында шеберлік сабақтары өткізілді. «Төрт тоқсан төрт өнер» жобасы шеңберінде мектеп оқушылары «Алтын сақа» республикалық челленджіне қатысты. Күзгі деиалыс кезінде оқушылардың бойында дұрыс қарым-қатынас орната білу, халқына адал қызмет ету құндылықтарын сіңіру мақсатында «Күзде біз жалықпаймыз, кітап оқимыз», қалалық дебат клубтары арасында жолдастық кездесу ұйымдастырылды. Ата-аналарды педагогикалық қолдау сабақтары жоспарға сай өз деңгейінде өткізілді.

"Біртұтас тәрбие-құндылықтар жүйесі" тақырыбында ата-аналар жиналысы өтті. Күн тәртібінде келесідей мәселелер қаралды:

1. 1-тоқсан қорытындысы (оқу үлгерімі, тәртібі, мектеп формасы туралы)
2. "Біртұтас тәрбие бағдарламасының" маңызы және ата-аналарды педагогикалық қолдау сабақтары туралы, ата-аналардың кезекшілігі.



Мектеп директорының бұйрығына сәйкес откізілген қараша және желтоқсан айларына жоспарланған ата-аналар кезекшілігі



"Позитивті тәрбие " тақырыбында ата-аналарды педагогикалық қолдау сабағы өтті. Мақсаты: Позитивті ата-ананың ерекшеліктері: жағымсыз көңіл- күйден жағымды

көңіл- күйдің басым болуы, жасөспірімнің бойындағы ізгі қасиеттерге назар аудару, жағымды мінез-құлық қасиеттерін дамыту.



Желтоқсан – «Қазақстан-ұлы дала елі».

Ел тәуелсіздігінің 32 жылдығына арналған біршама іс-шаралар атқарылды. «Тәуелсіздік тұғырым» сынып сағаттары, «Ұлы тарих-кемел келешекке жетелейді» интеллектуалды сайысы, «Елімнің бақытын тербеткен-Тәуелсіздік» тақырыбында мерекелік концерт ұйымдастырылды. «Балалар және театр» жобасы аясында Ә.Нұршайықовтың «Махаббат қызық мол жылдар» романынан үзінді сахналық қойылым ретінде ұсынылды. «9 айға 9 іс-шара» жобасы аясында «Алтын сақа» олимпиадасы, үзілістерде асық ойыны ұйымдастырылды. Жаңа жылдық іс-шаралар мен «Төрлет, жаңа жыл!» ертеңгіліктері өтті.

4-желтоқсан күні мектеп жанындағы жылыжай кешенінің ашылу салтанаты өтті. Мектеп үшін жылыжайдың орны ерекше, мұны қолға алудағы мақсат – өнімнен пайда табу емес, оқушылардың теориялық білімін тәжірибемен ұштастыруды, еңбекке баулуды, экологиялық мәселелерді шешуге ықпал ету. Бұл игі бастаманы жүзеге асырған, бірнеше жыл жұмысын тоқтатқан жылыжайды қалпына келтіруге септігін тигізген мектеп басшысы Жанайдаров Жасұлан Төремұратұлы лентаны салтанатты түрде қиды. Тәжірибелі жаратылыстану бірлестігі мұғалімдерінің қолдауымен оқушылар егілген көкөністерді бақылап, ауруға ұшырамауын, дұрыс өсуін қадағалайды.



8-желтоқсан күні М. Арын атындағы Қарғалы қазақ орта мектебінің 30 жылдық мерейтойына орай "Төрінен ұшқан түлектің, Арманы биік болған жер" атты салтанатты шара өткізілді. «Қазақтың тағдыры, келешекте ел болуы да мектебінің қандай негізде құрылуына барып тіреледі. Мектебімізді таза, берік һәм өз жанымызға /қазақ жанына/ үйлесетін негізде құра білсек, келешегіміз үшін тайынбай-ақ серттесуге болады» деп ұлтымыздың ұлы тұлғаларының бірі Мағжан Жұмабаев айтқандай, бүгінгі күні 30 жылдық мерейтойын атап өткен М.Арын


атындағы Қарғалы қазақ орта мектебі - шәкірттерге сапалы білім мен саналы тәрбие беруді басты мақсат, қалтқысыз қағидаға айналдырған білім ордасы. Көптен күткен тәуелсіздігімізге қол жеткізген алғашқы жылдарда ашылған алғашқы қазақ мектептерінің бірі ретінде Ақтөбе өңірінің білім беру саласында өзіндік орны, қайталанбас қолтаңбасы бар қара шаңырақ.

Бұл шарада, мектеп мұражайының жаңартылған қалпы таныстырылып, кітапхана өмірінен сыр шертті. Алғашқы мектеп директоры Имандосов Марат Абдрахимұлы атындағы математика кабинетінің салтанатты ашылуы өтті. Шара барысында мектеп ұстаздары ҚР оқу-ағарту министрлігінің "Құрмет грамотасы", "Алғыс хаты", сонымен қатар, облыстық, қалалық білім бөлімдерінің "Алғыс хаттарымен" марапатталды.



Биыл қазыналы, берекелі Қазақ елінің тәуелсіздігіне 32 жыл толды. Көк туы желбіреген, Әнұраны қалықтаған еліміздің барша азаматына береке-бірлік пен толағай табыс тілейміз!

Ел Тәуелсіздігінің 32 жылдығына орай мектеп оқушылары "Елімнің бақытын тербеткен-Тәуелсіздік" тақырыбында мерекелік концерт өткізді



Жаңа жыл мерекесіне орай "Төрлет, жаңа жыл!" атты мерекелік кеш өтті. Мерекелік шарада өз өнерлерін көрсеткен оқушыларға аяз ата мен ақшақардан сыйлықтар табыс етіліп, түрлі әуендерге би де биленді. Кештің көңілді өтуіне барлық сыныптар белсенділікпен атсалысты.



Сонымен қатар Жана жыл мерекесіне орай ұстаздар арасында да "Маска шоу" атты сайыс өткізілді. Ұстаздарымыз өз өнерлерін ортаға салып, бағалы сыйлықтармен марапатталды



2023-2024 оқу жылына жоспарланған Қамқоршылық кеңестің №1 отырысы өтті.

Мәжілістің күн тәртібі:

1. Қамқоршылық кеңестің қызметі. ҚК ережесімен таныстыру, төрағасын,



хатшысын тағайындау. ҚК жылдық жоспарын құру.

2. Мектептің даму перспективалық жоспарымен таныстыру.

М. Арын атындағы Қарғалы қазақ орта мектебі қамқоршылық кеңесінің №2 отырысы өткізілді.

Күн тәртібінде қаралған мәселелер:

1. М. Арын атындағы Қарғалы қазақ орта мектебінің 2023 жылғы қорытындысы.
2. Жекелеген санаттағы оқушыларға көрсетілген көмек және оқушылардың ыстық тамақпен қамтылуы туралы.




Қаңтар – «Ұлттық код» айы.

Қаңтар айының жоспарына сәйкес «Ауған соғысы ардагерлерімен кездесу», «Сыбайлас жемқорлыққа қарсы іс-қимыл және алаяқтықтың алдын алу» бойынша түсіндіру жұмыстары, «Буллинг пен суицидтің алдын алу», «Қызылшаның алдын алу бойынша санитарлық-эпидемиологиялық бақылау департаментінің мамандарымен кездесу», «Шылым шегудің денсаулыққа зияны» дәрігерлерден

кеңес, «Жат ағым жетегінен сақтану» теологпен, «Ерте жүктіліктің алдын алу» бойынша дәрігермен кездесулер мен жиналыстар өткізілді. «Ата-аналар мектебі» жобасы аясында ата-аналарға арналған педагогикалық колдау сабақтары, жиналыстар, кезекшіліктер ұйымдастырылды. «9 айға 9 іс-шара» жобасы бойынша «Қазақ есебі» челленджі өтті.

Қаңтар айында оқушылардың денсаулығы жөнінде бірнеше кездесулер мен түсіндірме жұмыстары жүргізілді.

17-қаңтар күні Ақтөбе облысының санитарлық-эпидемиологиялық бақылау департаменті басшысының орынбасары Сербаев Мухтар Убайтжанович пен бөлім басшысы Мирманов Мурат Утегеновичтің қатысуымен кездесу өтті. Кездесу барысында ата-аналарға, ұстаздарға қазіргі таңда өршіп тұрған қызылша дерті туралы мәлімет берілді.



"Сырғалым" қыздар клубының мүшелері дәрігерлермен кездесу өткізді. Кездесу барысында Қарағалы қалалық ауруханасының дәрігер-гинекологы Құдайбергенова Набатхан Құдайбергенқызы және мектеп медбикесі Ибрагимова Оразгүл бірқатар сұрақтарға жауап беріп, маңызды мәселелерден хабардар етті.



Қарағалы қалалық ауруханасының мамандары 9-10-11 сынып оқушыларына "Темекінің денсаулыққа зияны" тақырыбында профилактикалық шара өткізді. Жамбылбаева Әсел Абылайқызы СӨСҚ дәрігері, Кульманова Сания Женисовна СӨСҚ медбикесі темекінің және электронды темекінің зияны туралы мәліметтермен бөлісті.



23-қаңтар күні қалалық дін мәселелері жөніндегі орталықтың теолог маманы Орынбай Мәди Орынбайұлы "Жат ағым жетегінен сақтану" тақырыбында 9-10-11 сынып оқушыларына дәріс берді. «Жау жоқ деме, жар астында», демекші, жер бетінде қауіп-қатер көбейіп тұрған кезеңде сақтанбасқа және сақтандырмауға болмайды. Ата дінінен сауаты болмай жат ағымдардың жетегіне еріп кеткен жастарды, теріс пиғылдылардан арашалағаннан гөрі оның алдын алған әлдеқайда тиімді екені анық. Жат ағым жас ұрпақты құрдымға жетелейді.



Мектебімізде ата-аналарды қолдау орталығы ашылуына байланысты бірнеше шаралар өтті. Қаңтардың 4-і күні "Бұлақ көрсең көзің аш" атты қазіргі отбасында балалар шығармашылығын дамытудағы ұлттық ойындардың маңызы негізінде ата-аналарды педагогикалық қолдау сабағы өтті.

Мақсаты: Психологиялық-педагогикалық білім бере отырып, ата-ананың бала тәрбиесіндегі тәжірибесін арттыру. Әр отбасының бала тәрбиесіне қатысуының маңызын көрсету. Баланың дарыны мен талантын ашуда қолдау көрсету, жолдарын бірлесе қарастыру.



18-19 қаңтар күндері ата-аналар жиналысы өткізілді.

Күн тәртібінде қаралған мәселелер:

1) 1.1. «Баланы жастан» балалар мен ата-аналарға арналған ұлттық және отбасылық интеллектуалдық ойындар

1.2. «Балаға үйрету: ақылыңды мейірімге орап бер» жасөспіріммен қалай қарым-қатынас жасау керек, конструктивті келіссөздер

1.3. «Жоғары сынып оқушыларының дамуындағы тәуекел аймақтары» Сынықтан өзгенің бәрі жұғады. Тәуелділіктің алдын алу шаралары.

2) I жж бойынша оқушылардың оқу-тәрбие мәселесі.

- 3) Мектептің ішкі тәртіп ережесі (тәртіп, мектеп формасы, екінші аяқ киім, сабаққа кешікпеу, сабақтан қалмау т.б.)
- 4). Қыс мезгіліндегі оқушылардың өмір қауіпсіздігі ережелері.
- 5) Сыбайлас жемқорлыққа қарсы іс қимыл және алаяқтықпен күрес



Жоспарға сәйкес 24-қаңтар күні ата-аналар комитетінің жиналысы өтті. Күн тәртібінде қаралған мәселелер:

- 1) Аралық және мемлекеттік аттестаттаудағы өзгерістер;
- 2) Оқушылардың ыстық тамақпен қамтылуы;
- 3) Ата-аналарды педагогикалық қолдау орталығы және ата-аналар кезекшілігі, оқушылардың сабаққа қатысымы, мектеп формасы, тәртібі;
- 4) Мектеп директорының 2023 жылды қорытындылау бойынша есебі.



Ақпан – оқуға құштарлық айы.

Ұлттық мәдениетті дәріптеу, білуге, жаңаны тануға құштар болу құндылықтарын дәріптеу мақсатында «Мақал және Абайдың қарасөздері» тақырыбында дөңгелек үстел, балалардың ақпараттық қауіпсіздігін және сандық сауаттылығын қамтамасыз ету, кибербуллинг туралы ескерту жұмыстары жүргізілді. «Сен және Заң» бағыттары бойынша жас ерекшеліктеріне байланысты құқықтық оқыту сағаттары өткізілген болатын. Қазақстанның оңтайлы имиджін қалыптастыруға белсенді үлес қосу, қазақ тілінің қолдану аясын кеңейту, отбасының, өз ортасының абыройын асыру құндылықтары бойынша «Үйрен жақсы әдеттен, жирен жаман қадамнан» атты сынып сағаттары жүргізілді. Сонымен қатар ұлттық ойындар күні «Айбын» жастар сілеті өтті. Ұлттық мұраға ұқыпты қарау, физикалық белсенді болу, салауатты өмір салтын ұстану құндылықтары негізге алынды. «Оқуға құштар мектеп» жобасы аясында жыл басында мектеп оқушылары оқуға тиіс шығармалар тізімі жасақталып, жоспар бойынша әртүрлі іс-шаралар өткізілді.

14-ақпан күні төрт айға созылған «Балаларды оқыту және тәрбиелеудегі кедергісіз білім беру және әлеуметтік ортаны құруды ұйымдастыру» атты жоба аяқталып, жобаның жабылуына орай «Үштік одақ ынтықмастығы» өтті.



14-ақпан күні Төтенше жағдай кезіндегі оқытушы құрамының және оқушылардың өрт кезіндегі іс-әрекеттері көрсетілді. Мақсаты: өрт болған жағдайда азаматтық қорғау іс-шараларын орындауға дайындығын тексеру



Төтенше жағдай кезіндегі іс-әрекеттер



Мектебімізде **15-ақпан күні** «Досболlike:достық қолын ұсын» акциясы ұйымдастырылды. Мақсаты: оқушыларға досқа деген адалдық, сыйластық, қайырымдылықты түсіндіру.



Наурыз - Ұлттық салт-дәстүрді дәріптеу айы.

«Ата-аналар мектебі» жобасы аясында «Бәрі де ана бір өзіңнен басталады» тақырыбында мерекелік кеш, «Сырласайық, сырғалым!» жеңгелер мен қыздар арасында сайыс өткізілді. Шараның басты мақсаты отбасының, өз ортасының

абыройын асыру, дұрыс қарым-қатынас орната білуді көздеді. «Мен және таза табиғат», «Туған жерімнің тазалығы-менің адами келбетім» тақырыптарында табиғатты аялау, оқушыларға адал еңбекті құрметтеу, қоғам игілігі үшін қызмет ету құндылықтарын сіңіру бойынша іс-шаралар жоспарланды. Ізгіліктің бір ісі - Алғыс айту күніне орай «Жауқазын» сахналық қойылымдар сайысы өтті. Биылғы оқу жылында 14-23 наурыз аралығында Наурызнама онкүндігі жарияланып, ән күні белгілі бір тақырыптарға арнап өткізілді. 14 наурыз – «Көрісу күні» мектеп фойесінде ағаш үй құрылып, қоңырауларда «Көрісу күні-Амал мерекесі» тақырыбында шаралар өтті, 15 наурыз – «Қайырымдылық күні», «Арын еріктілері» еріктілер клубының оқушылары қайырымдылық акциясына қатысып, қарт кісілер мен суыққа қарамай қызмет етіп жүрген тұрғындарға көмек қолын созды. 16 наурыз – «Мәдениет пен ұлттық салт-дәстүр күні» халықтың кең тараған салт-дәстүрлерінен сахналық қойылымдар көрсетті. 17 наурыз – «Шаңырақ күні», «Ата-аналар» мектебімен бірлесе отыра бірнеше жыл отау құрған үлгілі отбасылар насихатталып, мектептің әлеуметтік желісіне жарияланды. 18 наурыз – «Ұлттық киім күні». Жалпы биылғы «Біртұтас тәрбие бағдарламасы» аясында мектепте аптаның әр жұмасы «Ұлттық киім күні» деп бекітіліп, оқушылар ұлттық накышта киініп, ұлттық әшекейлерімізді тағып жүруді әдетке айналдырды. Ұлттық киім түрлерінен дефиле өткізілді. 19 наурыз – «Жаңару күні», бұл күні мектеп жылыжайында оқушылар түрлі өсімдіктерді егіп, мұғалімдер көмегімен тың ақпараттарға қанықты. 20 наурыз – «Ұлттық спорт күні». «Ұлттық мектеп лигасы» жобасы аясында асық ату, бес асық, тоғызқұмалақ, қол күресінен жарыстар өткізілді. 21 наурыз – «Ынтымақ күні» мектеп оқушыларының құттықтауы әлеуметтік желілерге жарияланды. 22 наурыз – «Жыл басы». Бұл күні «Ата-аналар» мектебінің, оқушылардың, ұстаздардың, ардагер ұстаздардың қатысуымен «Наурыз келді, жыл келді!» атты мерекелік концерт кең ауқымда аталып өтті. 23 наурыз – «Тазару күні» мектепшілік экологиялық акция өткізіліп, тазалық жұмыстары жүргізілді. «Атадан-өсиет,анадан –қасиет», «Ерекшелерге ерекше жылылық», «Жарқ ете қалсам», «Ұлттық өнер» тақырыптарында көрме, шебер кластар ұйымдастырылды. «9 айға 9 іс шара» жобасы негізінде қазақтың ұлттық аспабын өскелен ұрпаққа сынғырлаған үнін насихаттау мақсатында «Домбыра-рату» атты домбырашылар чөлөңжі өтті. «Таным.Тағылым.Тәрбие» жұмыс бағыты бойынша ерекше білім беру қажеттіліктері бар балалардың қатысуымен «Көңілді старт» атты спорттық іс-шаралар өткізілді. Бұл шаралар арқылы оқушылардың бір-біріне, достарына,отбасы мүшелеріне қамқор болу,мейірімділік таныту,салауатты өмір салтын ұстану құндылықтарын бойына сіңіру көзделді.

Наурыз айының бастапқы күні яғни 1-наурыз Алғыс айту күніне орай «Алғыс айту -парызым» атты мерекелік концерт өтті.



6-наурыз күні «Біртұтас тәрбие бағдарламасы» аясында мектебіміздің «Жеңгелер мектебі» 8-наурыз Халықаралық әйелдер күні қарсаңында «Өнерлі қыз, өнегелі жеңге» атты сайыс ұйымдастырылды. Мақсаты: Қазақ қыздарына тән инабаттылыққа, имандылыққа, әдептілікке тәрбиелеу.



15-наурыз – Қайырымдылық күні. Мақсаты: Ел бойынша жаппай өтетін мұндай іс-шаралар қоғамға қайырымдылық көрсету мәдениетін сіңіріп, жанашырлық пен өзара қол ұшын беру құндылықтарын қалыптастыруға себепкер болады.



16-наурыз күні «Ақ кимешек» шеруі болды. Шеруге Алматы ауданының тұрғындарымен қатар мектебіміздің «Ақ орамал» аналар клубының аналары мен әжелері және ұстаздар қауымы қатысты.



16-наурыз Мәдениет және ұлттық салт-дәстүр күні. Максаты: Салт-дәстүрді, әдет-ғұрыпты білу, құрметтеу, келесі ұрпаққа жеткізу болып табылады.



22

Наурыз – Ұлыстың ұлы күні қарсаңында «Арын аруы»-2024» арулар байқауы өткізілді.




Мектебімізде 22-наурыз Ұлыстың ұлы күні қарсаңында мерекелік шара атап өтілді.



Сәуір-экологиялық мәдениет айы.

«Ақ орамал» аналар клубы, «Сырғалым» қыздар клубының қатысуымен «Анам үйреткен ұлттық тағам», «Қазы-қарта, жал-жая, шұбат-қымыз» «Трендте-ұлттық тағамдардың заманауи үлгісі» тақырыптарында шебер кластар мен дөңгелек үстелдер өтті. Отбасы күніне орай «Отбасыммен бірге өткізген қуанышты күндерім», «Отбасымен қараған ортақ кино» атты шығарма байқауы, «Отбасы туралы сырлы сурет» сурет байқауы ұйымдастырылды. «Тиімді әрі пайдалы тамақтану» барысында мектеп медбикесі психологпен бірлесе отырып, «Дұрыс тамақтана білеміз бе?», «Тез дайындалатын сусындар мен тағамдардың зияны», «Сымбатты болу- дұрыс тамақтана білуден басталады» атты сауалнамалар мен тест сұрақтары алынды. «Мұрагер» әкелер мектебі, «Аға қамқорлығы» ағалар мектебінің ұйымдастыруымен «Арын сұлтаны» байқауы ұйымдастырылды. «Жеткіншектің жеті жарғысы» жобасы аясында «Қоқысты қайта өңдеу процесі», «Өрле, Қазақстан!», «Сөз қадірі-өз қадірің» тақырыптарында іс-шаралар ұйымдастырылды. Түрлі фестиваль, әдеби –танымдық кештер, кітапханаға саяхат жасау арқылы оқушыларға ұлттық мұраны ұқыпты қорғауды, ұлттық мәдениетті дәріптеу жұмыстары жүргізілді.

«Оқуға құштар мектеп» жобасы аясында 9 «А» сынып оқушылары І.Жансүгіровтың «Күй» поэмасын талқылады. Мақсаты: оқушылардың кітап оқуға деген құштарлығын ояту.



«Оқуға құштар мектеп» жобасы аясында және Дүниежүзілік кітап күніне орай іс-шара өткізілді



Мектебімізде экологиялық акциясы бойынша «Құстарға ұя сыйла» атты оқушылардың өз қолдарынан құстарға ұя жасап сыйлады



«Жасыл мекен» жобасы арқылы оқушылар ұстаздарыммен бірге мектеп ауласына көшеттер отырғызды





17-сәуір күні мектебімізде «Жігіт сұлтаны-2024» байқауы өткізілді. 7 «Ә» сынып оқушысы Мамажонов Исламбек бас жүлдені иеленді



Мамыр – Бейбітшілік пен татулықтың айы.

1 мамыр – Бірлік күні 7 мамыр- Отан қорғаушылар күніне орай «Бүгінгі күннің батырлары» тақырыбында ашық сынып сағаттары өткізілді. «Кітапханаға саяхат» «Біздің отбасы оқыған шығарма» «көңілден шыққан кітап» секілді кітапханашылар ұйымдастыруымен мектепте шығармадан оқушылар арасында жарыстар өтті. Мектеп жанынан ашылған жылыжай үйірмесінің оқушылары мен биология пәні мұғалімдері бірлесе отырып гүл өсірудің шеберлік сағаттарын өткізіп оқушыларды қоғам игілігі үшін қызмет ету, адал еңбекті құрметтеу құндылықтары бойынша іс шаралар өткізілді. Мектепшілік шаралар бойынша 1 мамыр ұлттар достығы күніне байланысты «Ұлттар достығы» шеңберінде жоспарлы шаралар болып өтті. Білім алушылардың экологиялық мәдениетін қалыптастыру, еңбекқорлыққа баулу бағытында 11 сынып оқушылары көшет отырғызу науқаны яғни «Жасыл мекен» челленджі ашып командамен жұмыс жасау құндылығын игеріп мектеп ауласында көшеттер отырғызу шараларын қолға алған болатын. Сонымен қатар тарих пәні мұғалімдері «Media-time» жұмыс бағыты бойынша қоғам игілігі үшін қызмет ету, адал еңбекті құрметтеу бағыттары бойынша «Туған өлекем» фестивалін өткізді. Жаздың шуақты күнімен қатар келген отбасы күні де назардан тыс қалған жоқ, дене шынықтыру мұғалімдері оқушылар арасында физикалық белсенді болу, салауатты өмір салтын ұстану бойынша спорттық тимбилдинг өткізді.

18-мамыр күні мектебімізде Мұхтар Ғалиұлы Арынның 88 жылдығына арналған «Тәрбие деген тәңір бар» атты дебаттан қалалық турнир өтті.



11-сынып түлектеріне арналған “Мектебім, саған мың алғыс!” тақырыбында салтанатты жиын өтті. Адамгершілік құндылықтарға негізделген тұлға қалыптасуына бағыт-бағдар беру; мектеп дәстүрлерінің сабақтастығын сақтау, отансүйгіштік пен әлеуметтік жауапкершілікті, ұстаздарға, ата-аналарға, достарына алғыс сезімін, туған мектепке деген құрмет пен сүйіспеншілікті қалыптастыру мақсатын көздеді. Биылғы оқу жылын 68 түлек аяқтап отыр, оның 2-і Алтын белгіге, 6-ы Үздік аттестатқа үміткерлер.



«Мектептің өзін-өзі басқару» - жобасы бойынша мектеп парламенті білім беру ұйымдарындағы тәрбие жұмысының ажырамас бөлігіне айналған. Мектеп әкімшілігімен бірге жоспарлы іс-шаралар жүргізілген. Тәуелсіздіктің 30 жылдығына орай «Мен елімнің патриотымын», «Мен туған өлкемнің тазалығына үлес қосамын» сенбіліктерге қатысып, "Жеңіс туы желбіресін!" атты челлендж, 14-15 мамыр күндері туған өлкеге экскурсия жасаған, қарттар күніне орай ауыл қарттарын мерекемен құттықтап, ұстаздар күніне орай

«Ұстазыңды құттықта!», «Ұстаз-мектептің жүрегі» атты мерекелік шара ұйымдастырылған. Шара барысында ұстаздар күніне арналған қойылымдар, асқақтаған ән, күмбірліген күй, мың бұралған бишілер би орындап, бірқатар ұстаздар марапатталған. Мектеп алды даярлық топтары мен бастауыш сынып білім алушыларына арналған “Кел, жаңа жыл, жаңа жыл!” атты жаңа жылдық ертеңгілік ұйымдастырып, Алғыс айту күні қарсаңында халықтың жалпыұлттық бірлігін, құрметі мен ынтымағын нығайту мақсатында аудан мектептері арасында ұйымдастырылған “Алтын жүрек” челленджіне қатысқан.

«Ұшқыр ой алаңы» жобасы зияткерлік тәрбие бағыты бойынша жүзеге асырылған. Мектепте «Ділмар» дебат клубы құрылып, жетекшісі Шамова А.Е. болып бекітілген. 2021-2022 оқу жылында "Ділмар" дебат клубының жылдық жоспарына сәйкес 8-10 сынып оқушылары арасында «Мектеп оқушыларында жауапкершілік бар ма?», «Табиғат және жаңа технологиялар», «Латын әліпбиі бізге керек пе?», «Қазақстанның жастары қаншалықты патриот?» т.б. тақырыптарда дебат өткізілді. Оқушылар арасында сыни, креативті ойлау сияқты қасиеттерді дәріптеу мақсатында өткен шарада «Үкімет» және «Оппозиция» өз пікірлерін білдіріп, қарсы тараптардың ойларын тыңдады.

2022-2023 оқу жылдарында Республика күні қарсаңында "Тұғыры биік – Тәуелсіз Қазақстан" тақырыбында дебат өткізілді. Оқушылар берілген қарарларды ашық алаңда талдай отырып, өз ойларын айқын жеткізе білді. Пікірсайыс Республика күнінің мерейін көтеріп, тәуелсіз Қазақ елінің сапалы спикерлерін шыңдау, дамыту мақсатында өтті. "Ділмар" дебат клубы "Мен және менің құқығым" тақырыбында пікірсайыс өткізді. Іс-шара құқықтық тәрбиенің өмірлік қажеттілігін оқушыларға түсіндіру мақсатын көздеді. Құқықтық тәрбиенің, жігердің қоғамда маңызы зор екендігін түсіндіріп құқықтық сауатқа тәрбиелеу, өз ойларын еркін айтуға үйретуге бағытталды. Сонымен қатар, «Қазіргі жастар және дін», «Мектеп туризмін дамыту механизмі», «Адам қажеттіліктері экологиядан жоғары ма?» тақырыптарында пікірталастар өтті.

2023-2024 оқу жылында «Оқуға құштар мектеп» жобасы аясында тіл байлықтарын дамыту мақсатында «Абай жолы» роман-эпопеясының бірінші бөлімі талқыланды. 16-желтоқсан - Қазақстан Республикасының Тәуелсіздік күніне орай «Ділмар» дебат клубы «Тұғыры биік- Тәуелсіздік!» атты пікірсайыс өткізді. «Жастар кітап оқиды ма?», «Қазіргі жастар не үшін ата-анасын қарттар үйіне өткізеді?» т.б. тақырыптарда мектепішілік пікірталас турнирлері өтті. Қалалық дебат клубтары арасында достық қарым-қатынас орнату, тәжірибе алмасу мақсатында «Алаш Орда» дебат клубымен жолдастық кездесу өткізілді.

2022-2023, 2023-2024 оқу жылдары 2 жыл қатарынан «Тәрбие кілтін қашаған ұстаз – М.Арын», «Тәрбие деген тәңір бар» тақырыптарында қалалық дебат турнирі ұйымдастырылып, «Арын кубогі» сарапқа салынды. Қала мектептерінен 2022-2023 оқу жылында 80 оқушы, 2023-2024 оқу жылында 40 оқушы қатысып, оқушылар үшін қызықты дода өткізілді. "Ділмар" дебат клубында 35 оқушы қамтылған, оның ішінде Мамажонов Дастанбек, Қоянбай Сабина, Өтесін Бағлан, Өмірбек Кәусар, Серікбаева Нұрай сынды оқушылар бірнеше мәрте қалалық, облыстық дебат турнирлерінде топ жарып, жеңімпаз атанған оқушылар.

«Оқуға құштар мектеп» жобасы. ҚР Білім және Ғылым министрлігінің «Оқуға құштар мектеп-оқуға құштар ұлт» жобасын жүзеге асыру мақсатында жылдық жоспары бекітіліп, іс-шаралар өткізілді. Жас ұрпақты көркем шығарма оқуға насихаттау арқылы парасатты, ұлтжанды азамат тәрбиелеу мақсатында 60 әдеби шығарманың тізімі жасалып, оқушыларға ұсынылды.

15 -қыркүйек күні Қазақтың классик ақыны Сырбай Мәуленовтың 100 жылдық мерейтойына орай «Оқуға құштар мектеп» жобасы аясында «100 шығарма» акциясын ұйымдастыру бойынша 11"А" класс оқушылары ақынның өлеңдерін мәнерлеп оқып, тың деректермен бөлісті. Қазақтың көрнекті жазушысы, академигі, драматургы, ғалымы және қоғам қайраткері Мұхтар Әуезовтың туғанына 125 жыл және автордың «Еңлік-Кебек» пьесасына 105 жыл толуына орай 10 "Б" сынып оқушылары пьесадан үзінді қойды. Қазақ әдебиеті мен журналистика саласында өшпес із қалдырған белгілі қаламгер Шерхан Мұртазаның туғанына 90 жыл толуына орай Ш.Мұртазаның "Интернат наны" әңгімесі желісінде 6 "Б" сынып оқушылары қойылым қойды. «Зар-заман ақындарының» көшін бастаған Дулат Бабатайұлының туғанына 220 жыл толуына орай 5"В" сынып оқушылары көрнекті ақын, елдік пен еркіндіктің жаршысы, азаттық жырының ақтаңгері Дулат Бабатайұлының жырларын, өлеңдерін жатқа

оқыды. Сонымен қатар, ХҮІІІ ғасырдағы Қазақ хандығының көрнекті мемлекет және қоғам қайраткері Қаздауысты Қазыбек бидің туғанына 355 жыл толуына орай 4 «в» сынып оқушылары «Қаз дауысты Қазыбектің Жоңғар ханы Қоңтайжымен кездесуі» көрінісін қойды «Қазақстан – туған елім» тақырыбында 1 «в» сынып оқушылары Хамадинова Алтынай жетекшілігімен және 2 «б» сынып оқушылары Миркиясова Индира жетекшілігімен өз өнерлерін көрсетті. Ғабиден Мұстафиннің туғанына 120 жыл толуына орай «Шығанақ» романын оқып, талдау жұмыстарын жасады. 8 «в» сынып Зейнолла Қабдоловтың туғанына 95 жыл толуына орай «Қабеннің құбылысы» драмасын оқыды. А.Қойшыбаеваның жетекшілігімен драмадан үзінді қойды. Ақселеу Сейдімбектің туғанына 80 жыл толуына орай оқушылар ергетілерінен оқып, 3 «ә» сыныбы «Көріпкел шашты Әзиз» ертегісінен үзінді қойды. Сынып жетекшісі Г.Алипова ертегідегі кейіпкерлерге тоқталып, өмірмен байланыстыра білді. Әзілхан Нұршаиховтың туғанына 100 жыл толуына орай жазушының өмірі және шығармашылығымен 11 «ә» сыныбы танысып, «Махаббат қызық мол жылдар» шығармасын аса бір қызуғышылықпен оқыды. «Оқуға құштар мектеп» бұрышының алдында Ментайдың күнделігінен үзінділер оқыды, басты кейіпкер Ерболдың Ментайға арнаған өлеңдерінен оқыды. 11 «в» сынып оқушылары Дулат Исабсковтың «Әпкс» драмасын оқыды. Шығарма желісі бойынша талдау жұмыстарын жасап, шығармадағы кейіпкер іс-әрекетіне өз ойларын білдіріп, осы өмірмен байланыстыра білді. Қазақ әдебиетінің алып бәйтерегі атанған кемел жазушы Ғабит Махмұтұлы Мүсіреповтың туғанына 120 жыл толуына 9 «ә» сынып оқушылары «Автобиографиялық әңгіме» туындысын оқып, шығарма желісімен көрініс қойды.

"Оқуға құштар мектеп" жобасы аясында ата-аналар арасында кітап оқу бәйгесі өтті. Сайысқа мектебіміздің 1-11 сынып ата-аналары арасынан 49 ата-ана қатысты. «Үздіктерді марапаттау кешінде» ата-аналар арасындағы кітап оқу бәйгесінде жүлделі орын алған және үздік нәтиже көрсетіп, байқау барысында белсенділік танытқан ата-аналар марапатталған.

«Даналық мектебі» жобасы. Аға буынның педагогикалық әлеуетін өзектендіру арқылы ата-аналардың позитивті мәдениетін дамытуға жәрдемдесу мақсатында 2021-2022, 2022-2023 оқу жылдарында «Ата-аналар мектебі» болып жұмыс жасаса, 2023-2024 оқу жылынан бастап «Біртұтас тәрбие бағдарламасы» негізінде «Даналық мектебі» жұмысын жалғастыруда. «Даналық мектебі» клубының жұмысын жүргізу үшін, жұмыс тобы құрылып, жоспары бекітілді. «Бабалар дәстүрі-ұрпаққа өсиет», «Ата көрген оқ жонар» тақырыбында сынып сағаттары, «Әжемнің ертегісін тыңдайын» бастауыш сыныптарда ертегі айту шарасы, «Алғысым шексіз» алғыс айту челленджі, «Ағасы бардың, жағасы бар» сыныптан тыс шаралар, «Ер жігітке жарасар, салауатты бейнесі» тақырыбында кездесу, «Қызым еркем, жеңгесімен көркем» сайыс, «Қыздар білуі тиіс...» кеңес беру сабақтары өткізілді.

«Құқықтық сана – қауымға пана» жобасы бойынша 2021-2022, 2022-2023 оқу жылдары білім алушылардың қауіпсіздік шараларының және құқық бұзушылықтың алдын алуға мақсатында «Әлімжеттік жасау-әлсіздік», «Бала құқығы – адам құқығы» онкүндіктері, «Бала құқықтары туралы конвенция - мен оны білемін бе?»,

«Кішкентай баланың үлкен құқықтары», құқықтық білім беру сабақтары,

“Жасөспірім. Құқықбұзушылық. Жауапкершілік” бірыңғай сынып сағаттары өткізілген.

«Дәстүр мен ғұрып» жобасы бойынша 2021-2022, 2022-2023 оқу жылдары

«100 жаңа есім», « Ұлттық ойындар», "Ұлттық қолөнер - ұлы мұра", "Қазақтың салт-дәстүрлері", "Салтым-санам, Дәстүрім-дәулетім" сынып сағаттары, ұлттық тағамдарды насихаттау мақсатында "Ұлттық тағамдар", "Қазақтың ұлттық тағамдары" тақырыптарында сынып сағаттары, "Кесте тігу өнері", "Кестедегі ою-өрнек " тақырыптарында шебер класстар

, «Әжемнің сандығы» сайыс, “Қазақтың ұлттық тағамдарының “фестивалі, Тұрмыс-тіршілікке байланысты салт-дәстүрлер”, "Ою - өрнектер", " «Қазақ халқының аңшылық дәстүрі»,

, «Қазақтың ұлттық ойындары”, "Ұлттық тағамдар", "Ұлттық қолөнер дәстүрі", ұйымдастырылған.

«Еңбек – елдің мұраты»-жобасы бойынша 2021-2022, 2022-2023 оқу жылдары кәсіптік білім беру мақсатында «Мамандықтар әлемі», “Мұндай да мамандық бар”, "Мен кәсіптер әлемінде", «Менің отбасымдағы мамандықтар», «Өмірлік жетістікке жету жолы», «Менің кәсіптік мансабым», «Менің тандауым» тақырыптарында іс-шаралар ұйымдастырылған.

«Еңбегі адал жас өрен» жобасы бойынша 2023-2024 оқу жылында «Адал азамат-әділетті Қазақстан», «Ел бүгіншіл, менікі ертеңгі үшін», «Ұлы дала перзентімін», «Менің бизнес идеяларым», «Оян, ар мен адалдық», «Су мен электр энергиясын үнемдеуге бағытталған үнемділік инноваторы», «Мен еріктімін», «Таным.Тағылым.Тәрбие», «Өзінді мамандықтар әлемінде тап», «Табысты тұлға», «Достық көмекпен мықты», «Табиғат тамашалары» тақырыптарында іс-шаралар жүргізілді.

«Ұлттық мектеп лигасы » жобасы бойынша 2023-2024 жылдарға арналған «Дене тәрбиесі мен спортты дамыту» мемлекеттік бағдарламасының орындалуы аясында жоспар құрылып, іс-шаралар өткізілді. Футбол, волейбол, асық, бес асық, тоғызқұмалақ, баскетбол, үстел теннисі, дойбы, шахмат спорт түрлері бойынша мектепішілік біріншіліктер өткізілді.

«Жеткіншектің жеті жарғысы» жобасы бойынша «Толық адам», «Ұлы даланың ұлтаралық тілі», «Кітапқа жазылмаған тарих», «Қожа Ахмет Ясауидің хәл хикмет ілімі», «Бес нәрсеге асық бол...», «Ел тірегі» , «Өнегелі өмір», «Тарих пен тіл тамырлас», «Көк тудың желбірегені», «Жеңісімді тәуелсіздікке арнаймын», «Ұлттық рух-тәуелсіздік тірегі» т.б. тақырыптарда дөңгелек үстел, сынып сағаттары, дебат, сыныптан тыс шаралар өткізілді.

«Қоғамға қызмет» жобасы бойынша 2021-2022, 2022-2023, 2023-2024 оқу жылдары еріктілер тобы құрылған. Мектеп парламенті мен еріктілер тобы қайырымдылық жәрмеңкесін ұйымдастырылып, «Қарттарым-асыл қазынам» атты қарттар үйінде концерт өткізді. «Бала жылы» жоспарына сай әлеуметтік қолдауды қажет ететін отбасыларға, қарттардың ауласының қарын тазартып, Ұлы Отан соғысы, еңбек-тыл ардагерлеріне , ардагер ұстаздарға көмектер көрсетілген.

«Сүйіспеншілікке толы жүрек» , “Мейірімділік - асыл қасиет” , “Мейірімді бала” тақырыптарында сүйіспеншілік, мейірімділік сабақтары өткізілген.

